

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/14, 18.04.2019թ.

Բողոքբերողանձ՝ ԱՁ Արտավազդ Սարոյան

Պատվիրատու Արուսյանի քաղաքային տնտեսություն ՀՈԱԿ

Ընթացակարգի ծածկագիրը՝ ԱԲՔՏ-ԳՀԱՊՁԲ 19/02 ծածկագրով գնանշման հարցում

Գնման առարկա Վերելակների պահեստանմասերի ձեռքբերում

Բողոքի պահանջը՝

Դադարեցնել Արուսյանի քաղաքային տնտեսություն ՀՈԱԿ-ի կարիքների համար կազմակերպված ԱԲՔՏ-ԳՀԱՊՁԲ 19/02 ծածկագրով գնանշման հարցման ընթացակարգի գնահատող հանձնաժողովի 15.04.2019թ. նիստի թիվ 4 արձանագրության համաձայն՝ ԱՁ Արտավազդ Սարոյանի հայտը անբավարար գնահատելու մասին որոշումը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՆԻՍՏԵՐԻ ՔԱՐՏՈՒՂԱՐ՝ Լ. ԳԱՍՊԱՐՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

• 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

• 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

Բողոք բերող՝ Ա/Ձ Արտավազ Սարոյան
Հասցե՝ ՀՀ, ք. Արմավյան, 3 միկրո., 12 շ., 53 բն.,
Հեռ: +374 55 188828
Էլ. փոստ՝ Artosaroyan88@gmail.com

Պատվիրատու՝ Արմավյանի քաղաքային տնտեսություն ՀՈԱԿ
Հասցե՝ ՀՀ, ք. Արմավյան, Բարեկամության հր. 1

Գնման ընթացակարգի ծածկագիրը և առարկան՝
Արմավյանի քաղաքային տնտեսություն ՀՈԱԿ-ի կարիքների համար
«Վերելակների պահեստամասերի» ձեռքբերման նպատակով հայտարարված
«ԱԲՔՏ-ԳՀԱՊՁԲ 19/02» ծածկագրով գնանշման հարցման ընթացակարգ

Բ Ո Ղ Ո Ք

• **Գործի հակիրճ նկարագրությունը և բողոքի փաստերը.**

Արմավյանի քաղաքային տնտեսություն ՀՈԱԿ-ի կարիքների համար «Վերելակների պահեստամասերի» ձեռքբերման նպատակով հայտարարվել է «ԱԲՔՏ-ԳՀԱՊՁԲ 19/02» ծածկագրով գնանշման հարցման ընթացակարգ (այսուհետ նաև՝ Ընթացակարգ):

Ընթացակարգին մասնակցության հայտ են ներկայացրել Ա/Ձ Արտավազ Սարոյանը և «Լիֆտելեկտրոնիքս» ՍՊԸ-ն:

Ընթացակարգի գնահատող հանձնաժողովի 27.03.2019թ. տեղի ունեցած նիստի թիվ 2 արձանագրության 2.1 կետի համաձայն՝ գնահատող հանձնաժողովը որոշում է կայացրել ծանուցել Ա/Ձ Արտավազ Սարոյան և «Լիֆտելեկտրոնիքս» ՍՊԸ-ին, որպես առաջին տեղ զբաղեցրած մասնակիցներ, հրավերով սահմանված կարգով և 3-օրյա ժամկետում հանձնաժողովին ներկայացնել իր կողմից հաստատված՝ առաջարկվող ապրանքի ամբողջական նկարագիրը՝ համաձայն հավելված 6.1 և մասնագիտական փորձառությունն ունեցող ապահովող փաստաթղթեր:

Համաձայն Ընթացակարգի գնահատող հանձնաժողովի 05.04.2019թ. տեղի ունեցած նիստի թիվ 3 արձանագրության Ա/Ձ Արտավազ Սարոյանի ներկայացրած հայտը գնահատվում է անբավարար Կարգի 43-րդ կետի 4 ենթակետի և «ԱԲՔՏ-ԳՀԱՊՁԲ 19/02» Հրավերի 7.13 կետի պահանջները չբավարարելու հիմքով պայմանավորված: Մասնավորապես Ա/Ձ Արտավազ Սարոյանի մասնագիտական փորձառությունն ապահովող փաստաթղթերը հրավերում նշված էլեկտրոնային փոստին չի ուղարկվել, այլ ներկայացրել է թղթային տարբերակով:

ՀՀ ՏՐԱՆՍՍՊՈՐՏԻ ԱՆՍՏՐԱՐՈՒՅՑԱԼ ԱՇԽԱՏԱՆՈՒՄ	
ՄՏԻՑ N	17 345
Ձ	27.04.2019

Իսկ նույն արձանագրության 2.1 կետի համաձայն՝ ԱԶ Արտավազ Մարոյանի կողմից իր հայտի «Անբավարար» գնահատականը չնդունելու հետ կապված հանձնաժողովը որոշեց հարցում կատարել լիազոր մարմին:

Ի պատասխան վերոնշյալ հարցման ՀՀ ՖՆ կողմից 11.04.2019թ. տրամադրել է պարզաբանում /կցվում է/, մասնավորապես՝

Գնումների հետ կապված հարաբերությունները կարգավորվում են «Գնումների մասին» ՀՀ օրենքով (այսուհետ՝ Օրենք), ՀՀ կառավարության 04/05/2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգով (այսուհետ՝ Կարգ) և այլ իրավական ակտերով սահմանված պահանջներով: Մասնավորապես, Օրենքի 34-րդ հոդվածի 1-ին մասով սահմանված է, որ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են: Իսկ Օրենքի 26-րդ հոդվածի 1-ին մասի 4-րդ կետի համաձայն՝ հայտերի գնահատման իրավասությունը վերապահված է գնահատող հանձնաժողովին:

Վերոգրյալով պայմանավորված հայտնում ենք, որ մասնակիցների ներկայացրած հայտերի՝ հրավերի պահանջներին համապատասխանության գնահատումն իրականացնում է գնահատող հանձնաժողովը՝ գնումների մասին ՀՀ օրենսդրությամբ սահմանված կարգով:

Միաժամանակ գտնում ենք, որ գրությամբ բարձրացված հարցը կարգավորված է կարգի 43-րդ կետի 4-րդ ենթակետով:

Գնահատող հանձնաժողովի 15.04.2019թ. տեղի ունեցած նիստի թիվ 4 արձանագրության համաձայն՝ գնահատող հանձնաժողովը հիմք ընդունելով ՀՀ ՖՆ 11.04.2019թ. 1-26-1/602519 գրությունը, որոշեց ԱԶ Արտավազ Մարոյանի կողմից ներկայացված հայտը գնահատել անբավարար:

• *Բողոքի իրավական հիմքերը և հիմնավորումները.*

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով *մասնակիցների շրջանակի ընդլայնում և նրանց միջև մրցակցության խրախուսում:*

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, *ունի զնման գործընթացին մասնակցելու հավասար իրավունք*:

Տվյալ պարագայում ՀՀ զնումների հետ կապված բողոքներ բննող անձի ուշադրությունն ենք հրավիրում այն հանգամանքի վրա, որ Ընթացակարգի գնահատող հանձնաժողովի 27.03.2019թ. տեղի ունեցած նիստի թիվ 2 արձանագրության 2.1 կետի համաձայն՝ գնահատող հանձնաժողովը որոշում է կայացրել ծանուցել Ա/Չ Արտավազ Մարոյան և <<Լիֆտուլեկտրոնիքս>> ՍՊԸ-ին, որպես առաջին տեղ զբաղեցրած մասնակիցներ, հրավերով սահմանված կարգով և 3-օրյա ժամկետում հանձնաժողովին ներկայացնել իր կողմից հաստատված՝ առաջարկվող ապրանքի ամբողջական նկարագիրը՝ համաձայն հավելված 6.1 և մասնագիտական փորձառությունն ունեցող ապահովող փաստաթղթեր: Վերոնշված արձանագրությունը gnumner.am համացանցային կայքում հրապարակվել է միայն 04.04.2019թ. և մինչ 04.04.2019թ. այդպես էլ գնահատող հանձնաժողովի քարտուղարի կողմից որևէ ծանուցում չի ուղարկվել, իսկ Ա/Չ-ին 27.03.2019թ. արձանագրությունը ուղարկվել է 29.03.2019թ.:

ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 43-րդ կետի 1 ենթակետի համաձայն՝ հայտերի բացման նիստի ավարտից հետո ոչ ուշ քան հաջորդող աշխատանքային օրը հանձնաժողովի քարտուղարը՝ հայտերի բացման նիստի արձանագրության բնօրինակից արտատպված (սկանավորված) տարբերակը հրապարակում է տեղեկագրում, մինչդեռ հայտերի բացման նիստի արձանագրությունը gnumner.am համացանցային կայքում հրապարակվել է միայն 04.04.2019թ.-ին:

ՀՀ կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 43-րդ կետի 4 ենթակետի համաձայն՝ հայտերի բացման նիստի ավարտից հետո ոչ ուշ քան հաջորդող աշխատանքային օրը հանձնաժողովի քարտուղարը՝ էլեկտրոնային փոստի միջոցով ծանուցում է առաջին տեղն զբաղեցրած մասնակցին՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը, բացառությամբ սույն կարգով նախատեսված դեպքերի, ապրանքների զնման դեպքում նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթուղթը, իսկ բանկային երաշխիքի ձևով ներկայացված հայտի ապահովման բնօրինակը՝ կից գրությամբ: Սույն մասով սահմանված ժամկետում փաստաթղթեր

ընդհանրապես չներկայացվելու դեպքում հանձնաժողովը հայտերի գնահատման նիստում մերժում է առաջին տեղն զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդաբար տեղ զբաղեցրած մասնակցին, մինչդեռ 27.03.2019թ. մինչև 04.04.2019թ. ընկած ժամանակահատվածում գնահատող հանձնաժողովի կամ հանձնաժողովի քարտուղարի կողմից որևէ ծանուցում չի ստացվել:

ՀՀ գնումների հետ կապված բողոքներ քննող անձին խնդրում ենք նկատի ունենալ, որ Ա/Ձ Արտավազյ Սարոյանը այդպես էլ չստանալով որակավորման չափանիշները հիմնավորող փաստաթղթերը ներկայացնելու պահանջը /Ծանուցում/, այլ փոխարենը 29.03.2019թ. ստանալով միայն 27.03.2019թ.-ի արձանագրությունը՝ նույն 29.03.2019թ. թղթային տարբերակով ներկայացրել է գնահատող հանձնաժողովին պահանջվող փաստաթղթերը, որը փաստվել է նաև Ընթացակարգի գնահատող հանձնաժողովի 05.04.2019թ. տեղի ունեցած նիստի թիվ 3 արձանագրությամբ:

ՀՀ գնումների հետ կապված բողոքներ քննող անձին խնդրում ենք քննարկել նաև գնահատող հանձնաժողովի կողմից 15.04.2019թ. տեղի ունեցած նիստի թիվ 4 արձանագրության համաձայն՝ ՀՀ ՖՆ 11.04.2019թ. թիվ 1-26-1/602519 գրությունը հիմք ընդունելով Ա/Ձ Արտավազյ Սարոյանի կողմից ներկայացված հայտը անբավարար գնահատելու իրավաչափության հարցը, մասնավորապես ՀՀ ՖՆ 11.04.2019թ. թիվ 1-26-1/602519 գրությունը ուսումնասիրելիս, ակնհայտ է որ ֆինանսների նախարարությունը հղում է կատարում Կարգի 43-րդ կետի 4-րդ ենթակետին, որով նախատեսվում է, որ հայտերի բացման նիստի ավարտից հետո ոչ ուշ քան հաջորդող աշխատանքային օրը հանձնաժողովի քարտուղարը՝ էլեկտրոնային փոստի միջոցով ծանուցում է առաջին տեղն զբաղեցրած մասնակցին՝ առաջարկելով ծանուցումն ուղարկելու օրվանից երեք աշխատանքային օրվա ընթացքում էլեկտրոնային փոստի միջոցով ներկայացնել որակավորման չափանիշները հիմնավորող՝ հրավերով նախատեսված փաստաթղթերը, բացառությամբ սույն կարգով նախատեսված դեպքերի, ապրանքների գնման դեպքում նաև սույն կարգի 32-րդ կետի 1-ին ենթակետի «գ» պարբերությամբ նախատեսված փաստաթուղթը, իսկ բանկային երաշխիքի ձևով ներկայացված հայտի ապահովման բնօրինակը՝ կից գրությամբ: Սույն մասով սահմանված ժամկետում փաստաթղթեր ընդհանրապես չներկայացվելու դեպքում հանձնաժողովը հայտերի գնահատման նիստում մերժում է առաջին տեղն զբաղեցրած մասնակցի հայտը և փաստաթղթեր ներկայացնելու պահանջ է ներկայացնում հաջորդաբար տեղ զբաղեցրած մասնակցին:

Այսինքն՝ Ընթացակարգի գնահատող հանձնաժողովը որոշել է, որ քանի որ Ա/Ձ Արտավազյ Սարոյանի կողմից սահմանված ժամկետում փաստաթղթերը ներկայացվել են

թղթային տարբերակով, այլ ոչ թե էլեկտրոնային տարբերակով ուստի Ա/Ձ-ի կողմից ներկայացված հայտը գնահատվել է անբավարար: Մինչդեռ Աբովյանի քաղաքային տնտեսություն շՈԱԿ-ը՝ ՀՀ ՖՆ-ին 09.04.2019թ. ուղղված գրությամբ ամենայն հավանականությամբ չի հայտնել, որ գնահատող հանձնաժողովի կամ հանձնաժողովի քարտուղարի կողմից սահմանված ժամկետում որևէ ծանուցում Ա/Ձ-ին չի ուղարկվել:

Գտնում ենք, որ Ընթացակարգի գնահատող հանձնաժողովի անհասկանալի և անհիմն գործողությունների հետևանքով խախտվել է «Գնումների մասին» ՀՀ օրենքի 3-րդ հոդվածի 2-րդ մասի 1-ին և 2-րդ կետով սահմանված պայմանագրի կնքման նպատակով մասնակիցների շրջանակի ընդլայնման և նրանց միջև մրցակցության խրախուսման սկզբունքը, ինչ էլ իր հերթին հանգեցրել է Օրենքի 7-րդ հոդվածի 1-ին մասով երաշխավորված մասնակցի մասնակցության իրավունքի իրականացման սահմանափակմանը կամ ոչ լիարժեք իրականացմանը:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման...:

Ելնելով վերոգրյալից՝ ՀՀ գնումների հետ կապված բողոքներ քննող անձին

ԽՆԴՐՈՒՄ ԵՄ՝

Դադարեցնել Աբովյանի քաղաքային տնտեսություն շՈԱԿ-ի կարիքների համար կազմակերպված «ԱԲՔՏ-ԳՀԱՊՁԲ 19/02» ծածկագրով գնանշման հարցման ընթացակարգի գնահատող հանձնաժողովի 15.04.2019թ. տեղի ունեցած նիստի թիվ 4 արձանագրության համաձայն՝ Ա/Ձ Արտավազդ Սարոյանի կողմից ներկայացված հայտը անբավարար գնահատելու մասին որոշումը:

Առդիր՝ 7 թերթ:

Հարգանքով՝

Ա/Ձ Արտավազդ Սարոյան

<<17>> 04.2019թ.

